



SMOKKEN IS TRAAUWEN?

Bliedspul in drij bedrieven

deur

JOHAN E.G. RUITER

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **SMOKKEN IS TRAAUWEN?** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JOHAN E.G. RUITER** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: 2014 © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **7** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

ROLVERDAILEN:

Geert - Ol wedeman

Bertus - Zien zeun

Jantje - Zien dochter

Kees - Vrijgezelle buurman

Lammie - Hoesholdster

Wientje - Wicht oet t dörp

Grietje - Wicht oet t dörp

DECOR:

Normaal teneel van n ainvoudege hoeskoamer met n kassie bie de mure eetkoamertafel en wat stoulen en n telefoon

EERSTE BEDRIEF

Geert en Bertus komen binnen.

Geert: Hou wordt, bist hoast kloar met t anvegen van de schuur?

Bertus: (*slome proater*) Joa pa, hai is nou zo schoon ie kennen wel van de vlouer eten.

Geert: Noh, goa den vot mor weer an t vegem.

Bertus: Dat snap ik ja nait pa.

Geert: Och doe slörm. As je van de vlouer eten kennen, den mout der toch ook nog wat liggen, of nait den?

Bertus: Eh.. joahoa , dat is wel zo pa, mor t ken toch ook zo wezen, dat de vlouer zo schoon is dat je der wel van kennen eten, net as van n bord zel'k mor zeggen.

Geert: Dus doe wolst dien eerpels met sju zo van de grond ofslobberen en den de soepenbrij met stroup der ook zo achter an?

Bertus: Eh.....nee dat is eh...aigenlieks ook nait goud he pa?

Geert: Dat docht ik ook, nou goa doar mor ais eevm op de bank zitten Bertus, den kennen wie ais eefkes met n kanner proaten.

Bertus: Mouten wie doar bie goan zitten pa?

Geert: Das in dit geval wel eevm beter.

Bertus: Nah, vot den mor (*zai goan zitten*)

Geert: Nou most ais goud noar mie luustern jong.

Bertus: (*bedeesd*)Joa pa.

Geert: Kiek ast doe nou zulf n vraauw hest, den huifst doe nait laanger te vegem en huif ik nait laanger veur die te zörge, begripst wel?

Bertus: Nee pa.

Geert: Nou, zo muilek is dat toch zekers nait? Bertus mien jong, ik zel die dat ais eevm oetstukken. n Aigen vraauw, dij mout ales veur die doun zoas, eten koken, ber opmoaken, stofzoegen, kovie zetten, op tied n borreltje veur die inschenken en aal zokswat meer.

Bertus: Ik lus ja gain borreltje pa.

Geert: Na, den nemst toch limmenoade.

Bertus: Mor mouten zai dat echt woar doun pa?

Geert: Joa zekers, doar hebben zai veur taikent.

Bertus: Oh.

Geert: Houzo oh?

Bertus: Woarom eh.....eh.....

Geert: Woarom wat?

Bertus: Woarom bennen ie den nait traauwt pa?

Geert: Omdat ik ja n hoesholster heb.

Bertus: Oh.

Geert: Wat oh?

Bertus: Het dij den ook taikent?

Geert: Nee vanzulfs nait, dat huift n hoesholster nait te doun, dij ken ja zulf kaizen of zai bie mie an t waark wil of nait.

Bertus: *(eevm stil)* Toch wel slim he pa?

Geert: Of dat slim is, dat wil'k die vertellen.

Bertus: *(weer eevm stil)* Konnen **ie** ja beter met **heur** goan traauwen pa.

Geert: Ik ben toch zekers nait gek...

Bertus: Ikke den wel??

Geert: Nee vanzulf nait, mor doe bist ja nog n jongkerel en dij mouten nait allent blieven. Dij heuren traauwt te wezen.

Bertus: Mor pa as ie nou met Lammie gingen traauwen, den huif ik mie ja nait zo drok te moaken met zokse muileke dingen as n vraauw zuiken en zo.

Geert: Gain hoar op mien heufd dij *(Lammie komt binnen en heurt met)* doar an denkt en doar komt bie dat zo'n bekstuk bie mie in hoes gain boas komt speulen.

Lammie: Over wel hest doe t nou weer Geert? *(Geert schrikt en wait hom gain road)*

Geert: Ikke eh... ikke wait nait...eh Ik haar t nait over die Lammie.

Bertus: Joawel heur Lammie, hai haar t wel over die.

Geert: Hol die stil doe snötneuze.

Lammie: Dus doe haarst t wel over mie Geert? Wat haarst over mie te vertellen den?

Geert: Och wie pruiten aigenlieks zo mor wat.

Lammie: Woarover dat den wel?

Bertus: Ik mout traauwen Lammie.

Lammie: Wel?? Doe???

Bertus: Joahoa, ikke.

Lammie: Hest doe den boeten de pot pist? Dat ken ik mie ja nait veurstellen.

Bertus: Boeten de pot pist?? Oh nee heur ik kuur aaid haile presies, Mor, wat bedoulst doe doar den met Lammie?

Geert: Ach jong, moak die doar nou nait drok over, goa schuur mor eevm anvegen.

Bertus: Mor dat heb ik ja net doan pa, dat haar ik toch al zegd?

Geert: Nou den dust t nog mor n keer. Nah, schait op der oet. *(Bertus gaat of)*

Lammie: Nou vertel op. hou zit dat met dij jong. Hou ken dat nou, dat hai mout traauwen. Man hai wait nog haile nait hou dat gaat tussen n kerel en zien wief.

Geert: Ik vin hom der zo langzoamerhaand kloar veur om te traauwen. Hai mout tot deur oet.

Lammie: Zodast doe de handen wat vrij krigst? Mooi heur en wat dust den met dij aander?

Geert: Met Jantje mainst doe?

Lammie: Joa met Jantje, wel aans of hest nog meer?

Geert: Nou dij mog van mie geliek met hom ofraaizen, want dij twije kösten mie handenvol geld.

Lammie: En as dat gebeurt is ken dien hoesholster zeker ook wel opsakkeren? Nou, den ken ik die nou al wel vertellen, dast mie mor zo nait kwiet bist. Ik ben lid van de vakbond, o zo. Ik waark hier nou al zo'n vattien joar, vanoaf t overliden van dien vraauw, dus den most doe mie zeker vief joarsaloaresen ekstroa oetbetoalen.

Geert: Den ken ik die ja beter anholden.

Lammie: Ast doe dat mor deurhest. *(gaait of .. eevm loater komt de buurman Kees op)*

Kees: Hou wordt Geert, hest kovvie al hoast kloar? Doe bist dizze week ja an de beurt.

Geert: Ik eh....Joa...eh, dat wait ik. tZel der zo wel ankommen.

Kees: Hè, wat is der wel met die loos? Bist in de ware?

Geert: Nee, dat komt eh..Bertus mout traauwen.

Kees: Het dien Bertus in t potje ruierd? Dat ken k mie ja nait veurstellen.

Geert: Nee, ikke...eh

Kees: Oh, hest doe dat zulf ammans had en nou mout hai der veur opdraaien? En met wel dat den wel? *(Lammie komt binnen met kovvie, baaide mannen hollen zok stil)*

Lammie: Haren jullie t over mie? t Is inainen ja zo stil.

Geert/Kees: Nee heur, beslist nait heur. Wie eh.....

Lammie: Den haren jullie t veurvast over Geert zien kinder.

Kees: Nou ja das te zeggen. Hai haar t over Bertus.

Lammie: En?

Kees: Nou ja ik vin t zo sneu veur dij jong.

Lammie: Woarom het hai wat broken of zo?

Kees: Nou dat docht ik nait

Lammie: Mor der is ja toch niks gebeurd. Ik heb niks heurd.

Kees: Nou ja zeg, van niks roak je nait in verwachten, dat most doe toch wel waiten Lammie. Doar mout je toch wel wat veur doun he.

Lammie: En doe mainst dat dij haalfgozzele doar verstand van het?

Kees: Nee, dat leuf ik ook nait, mor zien voader het dat verstand wel.

Lammie: Doe mainst dat Geert?????... Dat leuf ik nait. doar zit ja al hailendaal gain vraauwluvlaais bie, dat is ja zo'n dreuge bukken.

Kees: Nouhou, noar wat hai mie net vertelde...

Geert: Mag ik ook ais wat ze.....

Lammie: Met wel hest doe en wanneer hest doe...eh..Nou?

Geert: Ik heb nait.....

Kees: En dat hest mie zo eevm net vertelt en nou zol t nait meer woar wezen? Den bist doe ja n dikke leugenpuut. Tegen mie zee e dat hai mos traauwen.

Geert: Ik heb nait zegd, dat ik mos traauwen, mor ik wol geern, dat Bertus ging traauwen.

Lammie: Zugst nou wel dat der gain vraauwluvlaais an zit.

Kees: Ik kon t mie ook al nait veurstellen.

Lammie: En hou haarst doe dat veurstelt met dij jong? Nou? Op tillevisie sums met t programmoa "Haalfgozzele zuikt vraauw"? Man dou toch ais normoal, goa mor ais in toene an t waark in stee van zokse onzin oet te kroamen. *(Geert en Kees verdwienen)* Wat hoalen dij kerels zok weer in de kop. *(Bertus komt weer binnen)*

Bertus: Kloar ales is weer anveegd pa. *(kikt rond)*Hé is hai der nait meer?

Lammie: Dat zugst ja. Vertel mie ais eevm, hou is dat goan met dien voader?

Bertus: Wel goud ducht mie.

Lammie: Wat zee hai den tegen die?

Bertus: Nou, hai zee tegen mie asdat ik mos traauwen. Mor dat ken nait, want ik wait haile nait hou of zokswat gaat. En doar komt bie, ik heb doar ook haile gain zin an. Veuls te muilek veur mie en den mout je met de bekken op n kanner en zo.

Lammie: Bekken op n kanner? Wat mainst?

Bertus: Nou, dat heurt toch zo bie n traauwerij?

Lammie: Nou moak die der mor nait drok om jong, Lammie zörgt wel veur die heur.

Bertus: tWas ook ja veul makkelker ast doe met pa gingst traauwen Lammie.

Lammie: *(verzucht)* Joa, dat haar ik veur vattien jaar ook al docht, mor ik goa nait veur hom op knijen.

Bertus: Woarom zelst *(Jantje komt binnen)* doe den ook veur pa op de knijen goan Lammie?

Jantje: *(prat ook wat sloom net as Bertus, mor nait zo slim)* Doe op knijen veur pa Lammie of most hom zien schounen poetsen?

Lammie: Denkst toch nait asdat ik gek ben he? Doar ben ik nait veur annomen.

Bertus: Bist doe doar nait veur annomen Lammie, mor woarveur den wel?

Lammie: Nah, gewoon de hoesholden doun en wieder niks of naks.

Jantje: Aigenlieks wel roar, dast doe hier de hoesholden dust en bie die thoes nog ais n keer en den worsdt der ook nog veur betoald.

Bertus: Joa en doe bist nooit thoes, want bist overdag auids hier an t waark en t wordt dus ook nooit slim smereg bie die.

Lammie: Nou en?

Jantje: Den kenst doe toch veul beter hier ook mor blieven te sloopen, den wordt t bie die haildaal nooit weer smereg.

Bertus: Ik zee t ja aal.

Jantje: Wat zeest doe den Bertus?

Bertus: Ik zee dat zai beter met pa kon goan traauwen, want dat het ook grode veurdailen veur mie.

Lammie: En wat zol dat den wel veur grode veurdailen wezen.

Bertus: Nou den konst mie ja ook limmenoade inschenken ja.

Jantje: Wat het dat der nou met van doun?

Bertus: Pa zee, dat dat der bie heurde as je traauwd wazzen en hai wol dat ik traauwen ging.

Jantje: Met Lammie? Dij is toch veuls te old veur die.

Lammie: Hebben jullie niks aans te doun as zoks onneuzel geproat?

Jantje: Nouhou, ik vin dat Bertus wel n bedie geliek het en ik.....

Lammie: Nou is t eerst wel weer genug. Goa doe zulf eerst mor ais achter n gezonde jonge vent an instee van die met n aander te bemuien.

Jantje: Ikke?

Lammie: Joa doe!!

Jantje: Mor Lammie, ik wait ja haile nait hou of ik zokswat doun mout. Doar heb ik haile gain verstand van en den mout ik zekers ook nog met zo'n vent met de bekken op mekoar stoan te vrijen. Harregat ik mout der nait an denken, dat zo'n vent zien tonge in mien haalsgat stekt.

Bertus: Hest geliek heur, zokswat wol ik ook nait. Dat heb ik net ook al zegd.

Lammie: Nee vanzulfs nait, dat is ook nait goud ast doe met n vent staaist te vrijen.

Bertus: Ikke met n vent vrijen??? Nee met n wicht mainde ik.

Jantje: Joa ik von t ook al zo roar.

Lammie: Och, jullie waiten toch ook haile nog nait wat der zo aal te koop is in dizze wereld.

Jantje: Mor ik mos toch ook nog bosschoppen hoalen van Siebolt Lammie?

Lammie: Joa, hier is t braifke, t is nait zoveul kenst ook hoast zo wel onthollen. Twij pond suker, n pakkie hardlopersbotter en n pak boukwaitengort.

Jantje: En mout ik ook nog n schier wicht veur Bertus metnemen?

Lammie: Nou, as der aine in de aanbaiden is, dou mor. (*Jantje gaat of*)

Bertus: Wat toch n boudel he Lammie?

Lammie: Goa ais eevm zitten jong.

Bertus: Oh, wie mouten zeker proaten nait? (*goan zitten*)

Lammie: Mie dunkt, dat zol n keer tied worden. Doe bist nou zo old, dast doe wat meer van de wereld waiten most.

Bertus: De wereld is rond Lammie en pa zee dat de rest der nait tou dut.

Lammie: Dat ben ik den nait met hom ains, want wat veur verstand hest doe nou van vraauwlu? Nou? Zeg nou zulms.

Bertus: Doar wait ik haile niks van of en pa zee, dat dat ook nait huifde.

Lammie: En wat as der kindertjes mouten komen den?

Bertus: Pa zee, dat dij auids vanzulf komen.

Lammie: Oh, doe denkst dat ze met de Wehkamp bezörgd worden sums?

Bertus: Nee, zo dom ben ik nait. Nee dij komen oet t lief van heur moeke.

Lammie: Presies en waitst doe den ook hou zai doar in komen bennen?

Bertus: Joazekers. Pa het mie dat n keer oetlegd en hai zee, dat dat bie mensen net zo gaat as wanneer de bolle op n kou kropt.

Lammie: Oh, zee hai dat?

Bertus: Joahoa, dat zee e, mor dou vruig ik hom of dij kou dat wel goud zol vinden as ik eh.....nou ja As ik net zo dee as dij bolle,mor.....

Lammie: Laive toepot nog ais an tou, in wat veur fermielje ben ik toch verzaaid roakt. Wat n boudel, wat n boudel.

Bertus: Zeg dat wel Lammie.

Lammie: Goa mor met naar keuken den krigst n kop kovvie. (*soamen of, Geert en Kees komen weer binnen*)

Kees: Hai ligt der weer mooi schoon bie Geert.

Geert: Dat docht ik ook en wie hebben nou wel aine verdaind. (*gaait naar kassie of dressoir, pakt glassies en fles en schenkt heur elk aine in*)

Kees: Proost jong op n goie ofloop.

Geert: Wat mout der goud oflopen den?

Kees: Noh, dij traauwerij vanzulf.

Geert: As ik toch ais n menaaiier von om ze baaide an de man en vraauw te helpen. Ik dee t vot.

Kees: Mouten zai baaide den n man en n vraauw hebben? Is dat nait n bedie te veul van t goie?

Geert: Nee slörm vanzulms nait zai n vent en hai n wicht.

Kees: En den nuimst doe mie n slörm? Dochst doe nou werkelk dat ik dat nait deur haar. Mor t vaalt mie van die tegen.

Geert: Wat vaalt die tegen?

Kees: Dast doe nait waist hou of je doar met an mouten.

Geert: Oh en doe waist dat wel?

Kees: Dat is toch zekers nait zo muilek?

Geert: Vertel op. Hou mout je zokswat anpakken?

Kees: Nou eh, je mouten gewoon....eh...nou ja gewoon, zelk mor zeggen.

Geert: Nou? Wat wolst nou zeggen, of waist doe t ook nait?

Kees: Eh....Nee, aigenlieks nait, mor.... messchain n avvertensie?

Geert: Nee, dat liekt mie niks, want den mout der n noam bie stoan en ik wil mie nait schoamen veur dij jongen van mie.

Kees: Joa, den wordt t muilek. (*zai denken slim stoer noa*)

Geert: Eh....

Kees: Joa, waist wat?

Geert: Nee!

Kees: Ikkeh.....

Geert: Waist doe wat?

Kees: Ikke nog nait.

Geert: Nah, proat den nait aalweg deur mien denken hen. (*zai denken weer slim stoer noa*)

Kees: Doe most gewoon wat jongelu nuigen

Geert: Mor ik wil nait traauwen.

Kees: Geert jong, ik leuf dat ik t al haildaal veur mie zai. Doe gefst n feessie met wat moderne muziek. n Bedie versieren hier en doar, zörge dat der genog draank is en wat te bikselen en den zelst doe ais zain, den kom t apmoal goud.

Geert: Zolst dat denken Kees?

Kees: Dat gaat gegarandeert goud.

Geert: Wat ben ik toch bliede met die, want doar was ik nooit op komen. Dat is gewoon n schitterend idee. Wanneer mout dat den gebeuren?

Kees: Op kôrte termien vanzulf, laifst vanoavend, want der is vandoage gain voetballen op teevee.

Geert: Goud en wat hoalen wie den in hoes veur drinken en zo? nPoar fleskes sinas of ranja en den n stok of wat krentebollen en kadetjes?

Kees: *(noar t publiek)* Wat n gek nait? *(tegen Geert)* Bist doe van die zulf nou zo gek of hest doe doar veur deurleerd?

Geert: Wat nou den? Is dat den nait goud?

Kees: Nee vanzulfms nait. Waist wat wie goan soamen op stap en hoalen ons de haile boudel in hoes. Hoalen wie de grannemefoon van mie op met wat mooie ploaten en den zelst doe ais wat zain.

Geert: Mout ik ook geld metnemen?

Kees: Doe magst wel n dikke vracht metnemen, want de botter gaat nou geld kosten. *(zai goan soamen of, Bertus en Lammie komen binnen)*

Lammie: Zo en bist nou ook bliede. Doe waist nou tenminste van de houd en de rand.

Bertus: Ik haar toch ook nooit docht dat dat zo in nkanner zat Lammie. Doe bist toch wel haile knap he. Veul beter as pa, want dij wait zokswat hailndaal ja nait. Dij is ook nait zo slim he?

Lammie: Nou, ik denk toch wel dat hai nait achterliek is Bertus. Verkiek die nait op hom.

Bertus: Mor ik heb die ook wel ais heuren zeggen, dat hai n dikke slörm was, dij niks van hoeshollen of wis.

Lammie: Dat is woar, hai ken nog gain wotter koken, want den kookt t over of t braand hom an.

Bertus Joa en hai wait ook nait wanneer of t goar is.

Lammie: Joa jong t is gain groot licht, mor hai maint t goud met jullie.

Bertus: Joa ken wel woar wezen, mor ik mout gain vraauw om mie tou hebben.

Lammie: Dat klinkt nait oareg, want dien zuster en ikke bennen der toch ale doagen en wie bennen toch ook vraauwen?

Bertus: Mor ik huif toch nait met jullie te vrijen zeker en dat mout je wel met joen aigen en ik wil ook nait leuven dat dat lekker is.

Lammie: Oh joawel heur, dat ken best lekker wezen.

Bertus: *(hoogst verbaasd)* Ooohhhhh, dat mainst nait, doe toch nait Lammie, doar bist doe ja veuls te old veur en wel wil die nou nog hebben den? Ikke nait.

Lammie: Doar huifst doe die ook gain zörge om te moaken, wat mos ik nou ook met zo'n snötjong begunnen.

Bertus: Nah.....den pazen wie mekoar ja net. *(Jantje komt binnen)* Most luusteren Jantje. Lammie wil an t vrijen.

Jantje: Dat mainst nait. Is dat echt zo Lammie? Gaaist doe oet te vrijen en zo haile echt met n vent en met de bekken op n kanner?

Bertus: Joa heur Jantje, dat het zai mie net zulms verteld.

Jantje: Goh Lammie en met wel dat den? met aine hier oet t dörp? Oohh, ik wait t wel, doe gaaist netuurlieks met VoddenJan, dij zag ik lest bie die oet hoes komen.

Lammie: Nou mouten jullie ophollen met dij flauwe kul, want ik goa nait oet vrijen, traauwens dat heb ik ook haile nait zegd.

Bertus: Doe zeest dast doe vrijen best lekker vonst.

Jantje: Ohh nee toch Lammie. Hest doe dat echt zegd?

Bertus: Joa heur haile echt met heur aigen mond.

Jantje: Oh, dat is ja vreselik met die en bist den nait baang dast doe n potje krigst van dat gevrij?

Lammie: Hol op jongens, zo waarkt dat toch nait.

Bertus: Nee doar het Lammie geliek an, mor doar het zai gain verstand van he Lammie?

Lammie: Och laive tied.....Nog zo aine. Leuft vanzulf ook nog an dij bolle met dij kou.

Jantje: Wat is doar met Lammie? Is der n kou zaik of is der aine tochteg, want den mout der aine van de K.I. komen.

Bertus: Nee, de bolle mout der bie.

Jantje: Wie hebben ja gain bolle.

Bertus: En nou den Lammie? Mout pa nou den toch zulf op batterij komen?

Lammie: Jullie bennen toch ook hopeloos he? Goa doe mor ais met mie met Jantje, want wie hebben nog wel eevm wat te proaten.*(soamen of)*

Bertus: Hai, wat is dat toch n gesodemierter met dij vraauwlu. Dij snappen der ook nooit wat van. Mor nou moakt Lammie t gelokkeg in odder en ken zai..... *(Geert en Kees komen binnen met n paar grode deuzen en draankdeuzen met flezzen derin)* Wat krieggen wie nou den weer?

Kees: Joa jong dien pa gaait n grode feest geevm.

Bertus: n Grode feest geven? Woar veur dat den pa?

Kees: Joa, jullie goan der nou an geleuven, want der komen wichter en jongens en meziek van de grannemefoon haile gezellig en zo.


Bertus: Mor ik wil niks met wichter van doun hebben enneh... met jongens nog minder.

Geert: Nee, zo is t nait haildaal Bertus. Wie willen geern, dat jullie ais wat kennis muiken met de aander jongelu van t dörp. Wie goan nou eh....eh....joa wie goan soosjoal doun, snapst wel?

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto